



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 313. Usque Ad Annum 361

Fleury, Claude

August. Vind. [u.a.], 1758

VD18 90117778

§. 9. Episcoporum Colloquia.

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

dei definite. (*) Tum, ipsis cernentibus, omnes libellos flammis tradidit, jurans, nec unicum apicem a se lectum, quod Episcoporum peccata latere oporteret, ne populis pessimo exemplo essent. Ajunt, illud quoque memoria dignissimum addidisse; se vero, si Episcopum suis oculis in adulterio deprehenderet, detracta sibi purpura contecturum.

§. IX.

Episcoporum Colloquia.

Episcopi ante primam sessionem publicam ad privata colloquia, advocato etiam Ario, convenerunt. Ipse omnes suos errores explicavit, sicut antea in *Sozom. I. c. 17. Athan. or. in Ar. e. p. 294.* *Epistolis retulimus; Deum non semper fuisse Patrem, & tempus fuisse, quo Filius non erat; hunc esse ex nihilo productum, creaturam, & ad modum cæterorum omnium divinæ potentiaæ opus. Esse natura mutabilem, libero suo arbitrio bonum mansisse, & quando voluerit,*

L 3 sicut

(*) Testimonium invictum! quo duo, unum Fidei, alterum Disciplinae Ecclesiasticæ, Capita demonstrantur; Primum, solis Episcopis Potestatem esse de Fide judicare, secundum, Clericos a Jurisdictione Laica oportere esse exemptos, Imperatorem sapientissimum in ipso Ecclesiasticæ libertatis exordio credidisse.

Sæculum IV. sicut creaturas alias, mutari posse
A. C. 325. quamobrem, cum Deus prævidisset, ipsum
 in bono perseveraturum, eidem antici-
 pando illam Gloriam contulisse, quam
 sua virtute erat meriturus, ita ut non a-
 liter, quam ob prævisa opera tantus eva-
 serit. Aiebat; Jesum Christum non esse
 verum Deum, sed tantum per participa-
 tionem, sicut omnes alii, quibus Deorum
 nomen tribuitur. Addebat; non esse
 Verbum substantiale Patris, & propriam
 ejus Sapientiam, per quam omnia fecit,
 sed per ejus Sapientiam æternam factum
 esse; in omnibus a Patris substantia esse
 distinctum; nos non propter ipsum fa-
 ctos esse, sed ipsum propter nos, quando
 Deus, qui antea solus fuit, nos creare de-
 crevit. Per voluntatem Dei factum fuisse,
 sicut reliqua omnia, cum antea non
 fuisset. Non esse propriam, & natura-
 lem Patris productionem, sed gratiæ ejus
 effectum. Non esse virtutem Dei veram,
 & naturalem, sed ei in Scriptura nomen
 virtutis dari, illa ratione, qua erucis tri-
 buitur, aut stridulis scarabeis. Dicebat
 præterea; Patrem esse Filio invisibilem,
 nec posse ab eo perfecte cognosci, sed
 tantum pro capacitate suæ essentiæ, quæ
 initium habuit. Tandem Christo pro-
 priam suam substantiam esse ignotam.
 Tales fuere Arii blasphemix, quæ audiri
 sine fastidio non possunt.

Episco-

Episcopi e diversis orbis partibus col-
 lecti, aures occludebant, atque hanc Do-
 ctrinam ut peregrinam, & a fide Eccle-
 siae remotissimam, rejiciebant; aliqui-
 bus, omnem novam Doctrinam, nullo
 præmissio examine, damnandam esse, vi-
 debatur, fidemque, quam per traditionem
 ab initio acceperant, servandam; hæc il-
 lorum potissimum erat opinio, quos mo-
 rum simplicitas ab omni in rebus fidei
 curiositate avertebat; alii contendebant,
 antiquis opinionibus non sine examine
 esse inhærendum. In istis colloquiis mul-
 tis Episcoporum, & Clericorum, qui eos
 secuti fuerant, occasio non defuit, qua e-
 gregia darent specimina, quantum Dia-
 lectica, & disputandi arte valerent; sic-
 que Imperatori, & Purpuratis innotesce-
 rent, inter illos Athanasius Diaconus A-
 lexandrinus emicuit.

§. X.

Sessio Publica.

Dies Sessioni publicæ Concilii destinata
 erat juxta Romanos decima tertia
 Calendas Julii, Paulino, & Juliano Con-
 sulibus; juxta Macedones decima nona
 Desii anno Alexandri 636. juxta nos de-
 cima nona Junii anno J. C. 325. Cum il-
 luxisset hæc dies, omnes, quos Concilio
 adesse oportebat, in aulam, quæ in me-
 diop.

Sæculum IV.
 A. C. 325.

Ibid. p. 205.
Sozom. I.

c. 17.

Socr. l. 1.

c. 13.

v. Pagi. an.

325. n. 3. 5.

Eu. III. vi.

ta c. 10.
Conc. Calch.